

**Headlines**

- ۱۔ وزیراعظم نریندر مودی نے اج بھارت غا محکمہ موسمیات شعبہ گا ۱ سو ۰۵ واں بنیادی تہاڑہ گا موقعہ ور مشن موسم غی شروعات کی ہے۔
- ۲۔ وزیردفاع راج ناتھ سنگھ نے اکھنور مانہ سابق نہادر فوجی جواناں گا تہاڑہ گا موقعہ ور بہادر فوجیاں نال خطاب کیو تے کہیو کہ جموں کشمیر پاکستانی مقبوضی کشمیر تیں بغیر ادھورو ہے۔
- ۳۔ وزیر اعلیٰ عمرعبداللہ نے فوجی جواناں غی قربانیاں تے ملک غے تئیں اُن گا کردار ور خراج عقیدت پیش کیو تے کہیو ہے کہ سرکار فوجی جواناں غی فلاح وبہبود وستے موثر اقدامات کر رہی ہے۔
- ۴۔ راجوری غا بڈھال علاقہ مانہ ہو رہی اچانک اموات ور وزیر صحت سکینہ اٹو نے کہیو ہے کہ طبعی عملو اپنو کام کر رہیو ہے تے ان اموات غی کوئی وجہ اچیں تک سامنے نہیں آئی۔
- ۵۔ ضلع راجوری مانہ قبضہ لکیر غے نیڑے حادثاتی طور ور پیش آیا دھماکہ مانہ ۶ فوجی جوان زخمی ہو گیا ہیں۔

**PM MISSION MOSAM**

وزیراعظم نریندر مودی نے اج بھارتیہ محکمہ موسمیات شعبہ گا ۱ سو ۰۵ واں بنیادی تہاڑہ غی تقریبات غا موقع ور نوی دہلی غا بھارت منڈیم تیں مشن موسم غی شروعات کی ہے اس موقعہ ور بولتاں مانہ وزیراعظم نے کہیو کہ مشن موسم بھارت غا اُس عہد غو حصو ہے جس مانہ پانیداد تے مستقبل وستے تیار ملک غو عزم لیو گیو تھو مذکورہ شعبہ غا ڈیڑھ سو سال مکمل ہون ور جناب مودی نے خوشی غو اظہار کیو اور شعبہ نانہ مبارک باد وی پیش کی اس موقعہ ور بولتاں مانہ جناب مودی نے اس طرح کہیو۔

**PM VETERANS DAY**

وزیراعظم نریندر مودی نے اج مسلح افواج غا سابق فوجیاں غا تہاڑا غا موقع ور سابق فوجیاں تیں شکریہ غو اظہار کیو ایک سوشل میڈیا پوسٹ مانہ وزیر اعظم نے فوجیاں نانہ خراج تحسین پیش کیو اُن غی قربانیاں ہمت تے قوم غی حفاظت واسطے اُن غا عزم غو اعتراف کیو جناب مودی نے یوہ وی زکر کیو کہ حکومت نے ہمیشہ سابق فوجیاں غا بہبود واسطے کام کیو ہے تے یقین دوايو ہے کہ بے اقدامات مستقبل مانہ وی جاری ریں غا سابق فوجیاں گو تہارو ہر سال اہلکاراں غی خدمات تے لگن نانہ خراج تحسین پیش کرن واسطے مانیو جے جہیڑا قوم واسطے اُن غی انمول شراکت نانہ تسلیم کرے۔

**DEFENCE MINISTER**

مرکزی وزیر دفاع راج ناتھ سنگھ نے فوجی جواناں غی شہادت تے ملک غے تئیں اُن غا جزیہ نانہ سلام پیش کیو ہے بھارتیہ فوج غی طرفوں اکھنور مانہ منعقد کرائی گئی سابقہ فوجیاں غی ایک ریلی نال خطاب غے دوران وزیر موصوف نے کہیو کہ فوجی جوان ملک غی خاطر دہشت گرداں نال لڑتاں مانہ اپنی جاتاں غو نظرانو پیش کرچھوڑیں اُناں نے کہیو کہ جموں کشمیر پاکستانی مقبوضہ کشمیر تیں بغیر ادھمپور ہے اس موقعہ ور بولتاں مانہ جناب سنگھ نے اس طرح کہیو۔ وزیردفاع نے فوجی جواناں غی بہادری غو زکر کرتا واں مانہ کہیو کہ ہماری فوج نے ہمیشہ دشمن نانہ

جنگ غے دوران شکست دتی ہے اس تقریب غے دوران وزیر موصوف نے اکھنور ورثہ عجائب گھر غو وی افتتاح کیو جہیڑو جے علاقہ غی ثقافتی تاریخ تے ورثہ نانہ محفوظ رکھن مانہہ اہم کردار ادا کرے۔

## **CM VETERAN DAY**

وزیراعلیٰ عمر عبداللہ نے کہیو ہے کہ سرکار فوجی جواناں غی فلاح وبہبود غی وعدہ بند ہے اکھنور مانہہ منعقد ہوئی

ریلی غے دوران بولتا واں وزیراعلیٰ نے کہی وکہ سرکار فوجی جواناں غی فلاح وبہبود وقتے کیا گیا وعداں غی پابند ہے تے اس ضمن مانہہ موثر اقدام کیا جارہیا ہیں اپنا خطاب غے دوران بولتا واں وزیراعلیٰ نے اس طرح کہیو فوجی جواناں غی قربانیاں نانہ یاد کرتا واں وزیراعلیٰ نے اُن بہادر فوجیاں نانہ زبردست خراج عقیدت پیش کیو جن نے ملک غی خاطر اپنی جاناں غا نظرانہ پیش کیا اس موقعہ ور لیفٹیننٹ گورنر منوج سنہا وی موجود تھا موصوف نے وی سابق فوجیاں غو دلی شکریو ادا کیو تے سماج غے اندر سبکدوشی تیں بعد آلی خدمات غی وی سراہنا کی۔

## **JJM REVIEW MEETING**

جموں کشمیر مانہہ جل جیون مشن گا مشن دانریکٹر خورشید احمد شاہ نے اج ویڈیو کانفرنسنگ غے زریعے ضلع راجوری غے اندر چل رہیا کام کاج غو جائیزو لیو اس دوران موصوف نے ۰۰۱ فی سد کام نانہ مکمل کرن غی ہدایت جاری کی اے ای ای تے جے ای نانہ ہدایت جاری کی گئی ہیں کہ وے متعین مدت غے اندر تمام پروجیکٹاں نانہ مکمل کراویں۔

## **BADHAAL MYSTERIOUS DEATH**

ضلع راجوری غی تحصیل بڈھل غا گران بڈھال مانہہ ہون آلی اچانک اموات غی تعداد گزشتہ روز ۲۱ ہوگئی جد گورنمنٹ میڈیکل کالج جموں مانہہ زیر علاج ایک بچہ غی موت واقع ہوئی اسے طرح جی ایم سی راجوری مانہہ وی علاج معالجہ غے دوران ایک آدمی غی اچانک موت واقع ہوئی ڈی سی راجوری انہشیک شرما ڈاٹی طور ور اس متاثرہ علاقہ ور نظر رکھ رہیا ہیں اس سلسلہ مانہہ وزیر برائے صحت سکینا اٹو نے وی یقین دوايو ہے کہ اس سلسلہ مانہہ جانچ ہور رہی ہے تے طبی عملو صورتحال نانہ بہتر بنان وستے اہم کردار ادا کر رہیو ہے ذرائع ابلاغ نال گل بات کرتاں واں محترمہ سکینہ اٹو نے اس طرح کہیو۔

## **SOLDIERS INJURED**

اج ضلع راجوری مانہہ قبضہ لکیر غے نیرے پیش آیا ایک حادثاتی دھماکہ مانہہ کم از کم چھ فوجی جوان زخمی ہو گیا ہیں ہمارا نمائندہ نے خبر دتی ہے کہ فوج غی گشت غے دوران ایک فوجی پارٹی نے زمین غے اندر بچھی مائین ور قدم رکھ دتو جس گا نتیجہ مانہہ زبردست دھماکو ہويو یوہ دھماکو نوشہرہ غا ہوانی سیکٹر مانہہ ماگری علاقہ مانہہ ہويو جس دوران زخمی ہويا ۶ فوجی جواناں نانہ فوری طور علاج معالجہ خاطر ۰۵۱ جنرل ہسپتال راجوری منتقل کیو گیو خبراں گے مطابق اس دھماکہ مانہہ زخمی ہويا فوجی جواناں غی حالت خطرہ تیں باہر ہے تے اس ضمن مانہہ مزید تفصیلات غی اجییں اڈیک ہے۔

## SMVD NATURAL CAVE

اج مکر سنکرانتی غا موقعہ ور شری ماتا ویشنو دیوی قدرتی گھپا نانہہ عقیدت منداں وستے کھول دتو گیو ہے یاہ سالانہ تقریب عقیدت منداں وستے بڑی اہمیت رکھے کیوجنہ سال گا صرف ان چند دناں مانہہ ہی عقیدت منداں نانہہ اس قدرتی گھپا غا درشن کرن غو موقعو ملے تے عقیدت مند روحانی طور ور بہتر محسوس کریں روایتی طرز ور اس قدرتی گھپا نانہہ سردیاں گا موسم مانہہ ہی عقیدت منداں وستے کھولویو جے اس سلسلہ مانہہ شری ماتا ویشنو دیوی شرانین غی طرفوں عقیدت منداں واسطے بہترین انتظامات کیا گیا ہیں جن مانہہ حفاظتی انتظامات بجلی پانی تے طبعی سہولیات شامل ہیں عقیدت منداں نانہہ ہدایت کی گئی ہے کہ وے انتظامیہ غی طرفوں جاری ہدایات ور عمل کریں اس قدرتی گھپا غا کھولیا جان ور عقیدت منداں نے بہت خوشی غو اظہار کیو موسمی حالات تے عقیدت منداں غی تعداد غے پیش نظر اس قدرتی گھپا نانہہ اگلا ہدایت نامہ توڑی کھلو رکھیو جے غو اس موقعہ ور بولتاں کچھ عقیدت منداں نے اس طرح کہیو۔

## MAHAKUMBH TRAINS KATRA

شمالی ریلوے نے اعلان کیو ہے کہ بھارتیہ ریلوے شری ماتا ویشنو دیوی کٹڑا تیں پراگراج تک ۳ خصوصی ریل گڈی چلاوے غی تاکہ مہا کُنب میلہ ۲ ہزار ۵۲ مانہہ شامل ہون آلا عقیدت منداں وستے سفر کرن مانہہ آسانی پیدا وے اس سلسلہ مانہہ پہلی ریل گڈی شری ماتا ویشنو دیوی کٹڑا تیں ۴۲ جنوری نانہہ سویرے ۳ بج غے ۰۵ منٹ ور چلے غی اسے طرح دو مزید خصوصی ریل گڈی ۷ فروری تے ۴۱ فروری نانہہ چلائی جنیں غی ان خصوصی ریل گڈیاں غو مقصد عقیدت منداں وستے سفر مانہہ آسانی پیدا کرنو ہے تاکہ وے پراگراج مانہہ منعقد مہا کُنبہ میلہ مانہہ آسانی نال شرکت کرسکیں اس اہم قدم نال شمالی ریلوے نے اپنا اُس وعدہ نانہہ پورو کیو ہے جس مانہہ ریلوے غی طرفوں اس طرز غی مزیدی تقریبات مانہہ عقیدت منداں وستے سہولت دستیاب رکھن غو یقین دوایو گیو تھو۔

## WEATHER

محکمہ موسمیات غی پیشن گوئی غے مطابق ۴۱ جنوری تک موسم غے اندر کسے بڑی تبدیلی غو امکان نہیں ہے لیکن ۶۱ جنوری نانہہ جموں کشمیر غا دور دراز اوپری علاقان مانہہ ہلکی برد باری ہون غا امکان ہیں جموں سرینگر قومی شاہراہ این ایچ ۴۴ ور دوطرفہ گڈیاں گی وؤ جائی گو سلسلو جاری ہے مسافراں نانہہ ہدایت کی گئی ہے کہ وے دن مانہہ ہی سفر کریں اس تیں علاوہ تاریخی مغل سڑک خراب حالت تے برفباری تیں بعد فرالحال گڈیاں گی اوجائی وستے مکمل بند رکھی گئی ہے۔